

摩訶般若波羅蜜經

卷二十一

六十五
海十

47437



元祿九年丙子二月日重脩

皇圖永固 帝階級昌

佛日增輝 懋輪常轉

山城州天安寺法金剛院置



摩訶般若波羅蜜經卷第二十

海

姚秦三藏法師鳩摩羅什共僧叡譯

恒伽提婆品第五十九

尔時有女人字恒伽提婆在衆中坐是女人
從座起偏袒右肩右膝著地合手白佛言世
尊我當行六波羅蜜取淨佛國土如佛般若
波羅蜜中所說我盡當行是時女人以金銀
華及水陸生華種種莊嚴供養之具金縷織
成疊兩張以散佛上散已於佛頂上虛空中
化成四柱寶臺端正嚴好是女人持是功德
與一切衆生共之迴向阿耨多羅三藐三菩
提尔時世尊知是女人深心因緣即時微笑

如諸佛法種種色光從口中出青黃赤白紅
縹遍照十方無量無邊佛國還繞佛三匝從
頂上入尔時阿難從座起右膝著地合掌白
佛佛何因緣微笑諸佛法不以無因緣而笑
佛告阿難是恒伽提婆姊未來世中當作佛
劫名星宿佛号金華阿難是女人畢女身受
男子形當生阿閼佛阿毗羅提國土於彼淨
修梵行阿難是菩薩在彼國土亦号金華是
金華菩薩於彼壽終復至他方佛土從一佛
土至一佛土不離諸佛譬如轉輪聖王從一
觀至一觀從生至終足不蹈地阿難是金華
菩薩摩訶薩亦如是從一佛土至一佛土乃

至阿耨多羅三藐三菩提未常不見佛時阿
難作是念言是金華菩薩摩訶薩後作佛時
諸菩薩摩訶薩會當知為如佛會佛知阿難
意所念告阿難言如是如是金華佛時菩薩
摩訶薩會當知為如佛會阿難是金華佛比
丘僧無量無邊不可數不可稱若干百千萬
億那由他阿難是金華菩薩作佛時其國土
無有是諸眾惡如上所說阿難白佛言世尊
是女人從何處殖德本種善根佛告阿難是
女人從然燈佛種善根初發阿耨多羅三藐
三菩提心以是功德迴向阿耨多羅三藐三
菩提亦以金華散然燈佛上求阿耨多羅三

藐三菩提阿難如我今時以五華散然燈佛
上求阿耨多羅三藐三菩提然燈佛知我善
根成就與我授阿耨多羅三藐三菩提記是
女人聞我受記發心言願我當來世亦如是
菩薩得受阿耨多羅三藐三菩提記阿難當
知是女人於然燈佛初發心阿難白佛言世尊
是女人久習行阿耨多羅三藐三菩提佛言如
是如是是女人久習行阿耨多羅三藐三菩提
摩訶般若波羅蜜經不證品第六十
須菩提白佛言世尊若菩薩摩訶薩欲行般
若波羅蜜云何學空三昧云何入空三昧云
何學無相無作三昧云何入無相無作三昧

云何學四念處云何修四念處乃至云何學
八聖道分云何修八聖道分佛告須菩提菩
薩摩訶薩行般若波羅蜜時應觀色空受想
行識空十二入十八界空乃至應觀欲色無
色界空作是觀時不令心亂是菩薩摩訶薩
若心不亂則不見是法若不見是法則不作
證何以故是菩薩摩訶薩善學自相空故不
有餘不有分證法證者皆不可見須菩提
白佛言世尊如佛所說菩薩摩訶薩不應
空法作證世尊云何菩薩任空法中而不
作證佛告須菩提若菩薩摩訶薩具足觀空
先作是願我今不應空法作證我今學時非

是證時菩薩摩訶薩不專攝心繫在緣中以
是故菩薩摩訶薩於阿耨多羅三藐三菩提
中不退亦不取漏盡證須菩提若菩薩摩訶
薩如是大善妙法成就何以故住是空中作
是念我今是學時非是證時須菩提菩薩摩
訶薩應如是念我是學檀那波羅蜜時非是
證時學尸羅波羅蜜羣提波羅蜜毗梨耶波
羅蜜禪那波羅蜜時修四念處時乃至修八
聖道分時非是證時修空三昧無相三昧無
作三昧時非是證時修佛十力四無所畏四
無礙智十八不共法大慈大悲時非是證時
我今學一切種智時非是得須陀洹果證乃

至阿羅漢果辟支佛道證時如是須菩提菩薩摩訶薩行般若波羅蜜學空觀任空中學無相無作觀任無相無作中修四念處不證四念處乃至修八聖道分不證八聖道分是菩薩雖學三十七品雖行三十七品而不作須陀洹果證乃至辟支佛道須菩提辟如壯夫勁勇猛健善於兵法六十四能堅持器仗安立不動巧諸伎術端正淨潔人所愛敬少修事業得報利多以是因緣故衆所恭敬尊重讚嘆見人敬重倍復歡喜少有因緣當至他處扶將老弱過諸險難恐怖之處安慰父母曉喻妻子莫有恐懼我能過此必無所苦

險難道中多有怨賊潛伏劫害其人智力具足故能度惡道還歸本處不遇賊害歡喜安樂須菩提菩薩摩訶薩亦如是於一切衆生中慈悲喜捨心遍滿足今時菩薩摩訶薩住四無量心具足六波羅蜜不取漏盡證學一切種智入空無相無作解脫門是時菩薩不隨一切諸相亦不證無相三昧以不證無相三昧故不墮聲聞辟支佛地須菩提辟支佛如有翼之鳥飛騰虛空而不墮墜雖在空中亦不住空須菩提菩薩摩訶薩亦如是學空解脫門學無相無作解脫門亦不作證以不作證故不墮聲聞辟支佛地未具足佛十力大慈

大悲無量諸佛法一切種智亦不證空無相
無作解脫門須菩提譬如健人學諸射法善
於射術仰射空中復以後箭射於前箭箭箭
相拄不令墮地隨意自在若欲令墮便止後
箭亦乃墮地須菩提菩薩摩訶薩亦如是行
般若波羅蜜以方便力故爲阿耨多羅三藐
三菩提諸善根未具足不於實際作證若善
根成就是時便於實際作證以是故須菩提
菩薩摩訶薩行般若波羅蜜時應如是觀諸
法法相須菩提白佛言世尊菩薩摩訶薩所
爲甚難何以故雖學是諸法相學實際學如
學法性學畢竟空乃至學自相空及三解脫

門終不中道墮落世尊是甚希有佛告洎喜
提是菩薩摩訶薩不捨一切衆生故作如是
願洎喜提若菩薩摩訶薩作是念我不應捨
一切衆生一切衆生沒在無所有法中我應
當度尔時即入空解脫門無相解脫門無作
解脫門洎喜提當知是菩薩摩訶薩成就方
便力未得一切種智行是解脫門亦不中道
取實際證復次洎喜提菩薩摩訶薩欲觀是
諸甚深法所謂內空乃至無法有法空四念
處乃至三解脫門尔時菩薩摩訶薩應生如
是心是諸衆生長夜行我相乃至知者見者
相著於得法爲衆生斷是諸相故得阿耨多

羅三藐三菩提時當說法。爾時菩薩行空解脫門，無相無作解脫門，亦不取實際證，以不證故不墮須陀洹果。乃至辟支佛道，須菩提是菩薩摩訶薩，以是心欲成就善根，故不中道實際作證，不失四禪四無量心四無色定。四念處乃至八聖道分，空無相無作佛十力。四無所畏，四無礙智，大慈大悲，十八不共法。是時菩薩摩訶薩成就一切助道法，乃至阿耨多羅三藐三菩提，終不耗減。是菩薩有方便力，故常增益善法，諸根通利，勝於阿羅漢。辟支佛根，復次須菩提若菩薩摩訶薩，作是念：衆生長夜著四顛倒，常相樂相淨相，我相。

為是衆生故求薩婆若我得阿耨多羅三藐
三菩提時為說無常法苦不淨無我法是菩
薩成就是心以方便力行般若波羅蜜不得
佛三昧未具足佛十力四無所畏四無礙智
大慈大悲十八不共法亦不實際作證尔時
菩薩修無作解脫門雖未得阿耨多羅三藐
三菩提亦不實際作證復次須菩提若菩薩
摩訶薩作是念衆生長夜著得法所謂我衆
生乃至知者見者是色是受想行識是入是
界是四禪四無量心四無色定我如是行如
我得阿耨多羅三藐三菩提時令衆生無是
得法菩薩是心成就以方便力行般若波羅

蜜未具足佛十力四無所畏四無礙智大慈
大悲十八不共法不於實際作證尔時菩薩
具足修空三昧復次須菩提若菩薩摩訶薩
作是念衆生長夜行諸相所謂男相女相色
相無色相我如是行如我得阿耨多羅三藐
三菩提時令衆生無是諸相過失是心成就
以方便力行般若波羅蜜未具足佛十力乃
至十八不共法不於實際作證尔時菩薩摩
訶薩具足修無相三昧須菩提若菩薩摩訶
薩學六波羅蜜學內空乃至無法有法空學
四念處乃至空無相無作解脫門學佛十力
四無所畏四無礙智大慈大悲學十八不共

法如是智慧成就若著作法若任三界無有
是處是菩薩摩訶薩學助道法行助道法時
應當試問菩薩摩訶薩欲得阿耨多羅三藐
三菩提云何學是法觀空不證實際以不證
故不墮須陀洹果乃至辟支佛道觀無相無
作無起無生無所有亦不證實際而修行般
若波羅蜜應如是問須菩提若諸菩薩摩訶
薩若試問時是菩薩若如是答菩薩摩訶薩
但應觀空但應觀無相無作無起無生無所
有是菩薩摩訶薩不應學空無相無作無起
無生無所有不應學是助道法須菩提當知
是菩薩諸佛未授阿耨多羅三藐三菩提記

何以故是人不能說阿鞞跋致菩薩所學相
不能示不能答若是菩薩摩訶薩能說能示
能答阿鞞跋致所學相當知是菩薩摩訶薩
已習學菩薩道入薄地如餘阿鞞跋致菩薩
摩訶薩阿鞞跋致地須菩提白佛言世尊頗
有未得阿鞞跋致菩薩能如是答不佛言有
須菩提是菩薩摩訶薩六波羅蜜若聞若不
聞能如是答如阿鞞跋致菩薩須菩
提言世尊多有菩薩求佛道少有菩薩能如
是答如阿鞞跋致菩薩摩訶薩學道無學道
中佛語須菩提如是如是是菩薩甚少何以
故菩薩摩訶薩少有如是得受記阿鞞跋致乾

慧地若有得受記是人能如是答是人善根
明了諸天世人所不能壞

摩訶般若波羅蜜經夢中不證品第六十一

佛告須菩提若菩薩摩訶薩乃至夢中不貪
聲聞辟支佛地亦不貪三界觀諸法如夢如
幻如響如焰如化亦不作證須菩提當知是
阿鞞跋致菩薩摩訶薩阿鞞跋致相復次須
菩提菩薩摩訶薩夢中見佛與無數百千万
億比丘比丘尼優婆塞優婆夷天龍鬼神緊
陀羅等說法從佛聞法即解中義隨法行須
菩提當知是阿鞞跋致菩薩摩訶薩阿鞞跋
致相復次須菩提菩薩摩訶薩夢中見佛三

十二相八十隨形好放大光明踊在虛空於太
比丘僧中說法現大神力化作化人到他佛
土施作佛事須善提當知是阿鞞跋致菩薩
摩訶薩阿鞞跋致相復次須善提若菩薩摩
訶薩夢中見兵起若破聚落若破城邑若失
火時若見虎狼師子猛害之獸若自欲來殺斫
其頭者若見父母喪亡兄弟姊妹及諸親友
知識死者見如是等種種愁苦之事而不驚
不怖亦不憂惱從夢覺已即時思惟三界虛
妄皆如夢耳我得阿耨多羅三藐三菩提時
亦當為衆生說三界如夢須善提當知是阿
鞞跋致菩薩摩訶薩阿鞞跋致相復次須善

提云何當知是阿鞞跋致菩薩摩訶薩得阿
耨多羅三藐三菩提時國中無三惡道須菩
提菩薩摩訶薩若夢中見地獄畜生餓鬼作
是念我當勤精進得阿耨多羅三藐三菩提
時令我國中無一切三惡道何以故是夢及
諸法無二無別須菩提當知是阿鞞跋致菩
薩摩訶薩阿鞞跋致相復次須菩提菩薩摩
訶薩夢中見地獄火燒衆生作是誓若我實
是阿鞞跋致者是火當滅是火即滅若地獄
火即滅是阿鞞跋致相復次若菩薩晝日見
城郭火起作是念我夢中見阿鞞跋致行類
相貌我今實有是者自立誓言是火當滅若

火滅者當知是菩薩得受阿耨多羅三藐三
菩提記任阿鞞跋致地若火不滅燒一家置
一家燒一里置一里須菩提當知被燒家破
法業因緣厚集以是故燒一家置一家是諸
衆生今世受破法餘殃故被燒須菩提以是
因緣故當知是阿鞞跋致菩薩摩訶薩阿鞞
跋致相佛告須菩提今當更為汝說阿鞞跋
致行類相貌須菩提若男子若女人為非人
所持是時菩薩摩訶薩作是念若我為過去
諸佛所授記我心清淨求阿耨多羅三藐三
菩提行清淨正道遠離聲聞辟支佛心遠離
聲聞辟支佛念應當成阿耨多羅三藐三菩

提我必得阿耨多羅三藐三菩提非不得十
方國土中現在無量諸佛無所不知無所不
見無所不解無所不證諸佛知我深心審定
必當得阿耨多羅三藐三菩提以是至誠誓
故是男子女人爲非人所持爲非人所惱是
非人當遠去須菩提是菩薩摩訶薩如是誓
若非人不去者當知是菩薩摩訶薩未從過
去諸佛受阿耨多羅三藐三菩提記須菩提
若菩薩摩訶薩如是誓若非人去者當知是
菩薩摩訶薩已從過去諸佛受阿耨多羅三
藐三菩提記須菩提以是行類相貌當知是
阿鞞跋致菩薩阿鞞跋致相復次須

菩提菩薩摩訶薩遠離六波羅蜜及方便力
不久行四念處乃至不久行空無相無作三
昧未入菩薩位是菩薩為惡魔所嫉菩薩作
是誓若我實從諸佛受記者是非人當去是
時惡魔即作方便勅非人令去惡魔有威力
勝諸非人故非人即去是時菩薩作是念以
我誓力故非人去不知是惡魔力恃是證故
輕弄毀蔑諸餘菩薩作是言我已從諸佛受
記汝等未得用是空誓無方便力故生增上
慢以是事故遠離薩婆若遠離阿耨多羅三
藐三菩提須菩提當知是人墮於二地若聲
聞地若辟支佛地以是誓因緣故起於魔事

是人以不親近依止善知識不問阿鞞跋致相故爲魔所縛益復堅固所以者何是菩薩不久行六波羅蜜無方便力故須菩提當知是爲菩薩魔事須菩提云何菩薩摩訶薩不久行六波羅蜜乃至未入菩薩位爲惡魔所嬈須菩提惡魔變化作種種身語菩薩言汝於諸佛所得受阿耨多羅三藐三菩提記汝字某汝父字某汝母字某汝兄弟姊妹字某汝七世父母名字如是汝在某方某國某城某聚落中生若見菩薩性行和柔語菩薩言汝先世亦復和柔若見急性率暴便語言汝先世亦尔若見菩薩修阿蘭若行語言汝先

世亦修阿蘭若行若見菩薩乞食納衣中後
不飲漿一坐食一鉢而食死尸間住露地住
樹下止常坐不卧加敷坐但受三衣若少欲
若知足若遠離住若不塗脚若少言語便語
菩薩言汝先世亦有是行何以故汝今有此
頭陀功德汝先世亦有是功德是菩薩聞是
先世事及名姓聞今讚頭陀功德即歡喜生
憍慢心是時惡魔語菩薩言汝有如是功德
如是相汝實從諸佛受阿耨多羅三藐三菩
提記須菩提惡魔或作比丘被服或作居士
形或作父母身來到菩薩所如是言汝已得
受阿耨多羅三藐三菩提記何以故是阿鞞

跋致功德相汝盡具足有之須菩提我所說
實阿鞞跋致行類相貌是人永無須菩提當
知是菩薩摩訶薩為魔所持何以故是阿鞞
跋致行類相貌是人永無以聞是名字故生
憍慢心輕弄毀篋餘人須菩提是名菩薩摩
訶薩為魔所持當知是為菩薩魔事復次須
菩提菩薩摩訶薩不久行六波羅蜜不知名
字相不知色相不知受想行識相惡魔來語
言汝當來世得阿耨多羅三藐三菩提時有
如是名字隨其本念說其名号是無智無方
便菩薩作是念我先亦有是成佛名号念是
人如我所念說是人所說合我本念我必為

諸佛所授記須菩提我所說阿維越致行類
相貌是人永無但以空名字輕弄毀篋餘人
以是事故遠離阿耨多羅三藐三菩提是菩
薩摩訶薩遠離般若波羅蜜無方便力遠離
善知識與惡知識相得故墮二地聲聞辟支
佛地若有即是身悔過久久往來生死中然
後還依止般若波羅蜜若值善知識常隨逐
親近故當得阿耨多羅三藐三菩提是人於
是身若不即悔當墮二地若阿羅漢地若辟
支佛地須菩提譬如比丘於四重禁法若犯
一事非沙門非釋子是人現身不得四沙門
果須菩提是菩薩著空名字菩薩心亦如是

輕弄毀箴餘人故當知是罪重於比丘四禁
須菩提置是重罪其罪過於五逆以受是名
字故生高心輕弄毀箴餘人若生是心當知
其罪甚重如是名字等微細魔事菩薩皆當
覺知復次須菩提菩薩在空閑山澤曠遠之
處魔來到菩薩所讚嘆遠離法作是言善男
子汝所行者是佛所稱譽遠離法須菩提我
不讚是遠離所謂但在空閑山澤曠遠之處
名為遠離須菩提言世尊若空閑山澤曠遠
之處非遠離法者云何更有異遠離法佛告須
菩提若菩薩摩訶薩遠離聲聞辟支佛心在
空閑山澤曠遠之處是佛所許遠離法須菩

提如是遠離法菩薩摩訶薩應所修行晝夜
行是遠離法名遠離行菩薩須菩提若惡
魔所說遠離法空閑山澤曠遠之處是菩薩
心在憤鬧所謂不遠離聲聞辟支佛心不勤
修般若波羅蜜是菩薩摩訶薩不能具足一
切種智是菩薩行惡魔所說遠離法心不清
淨而輕餘菩薩城傍心淨無聲聞辟支佛憤
鬧心亦無諸餘雜惡心具足禪定解脫智慧
神通者是離般若波羅蜜無方便菩薩摩訶
薩雖在絕曠百由旬外禽獸鬼神羅刹所住
之處若一歲百千萬億歲若過萬億歲不知
是菩薩遠離法所謂諸菩薩以是遠離法深

心發阿耨多羅三藐三菩提不雜行是菩薩
依受憤鬧行著是遠離是人所行佛所不許
須菩提我所說實遠離法是菩薩不在是中
亦不見是遠離相何以故但行是空遠離故
尔時惡魔來在虛空中住讚言善哉善哉善
男子此是佛所說真遠離法汝行是遠離疾
得阿耨多羅三藐三菩提是菩薩摩訶薩念
著是遠離而輕易諸餘求佛道清淨比丘以
爲憤鬧以憤鬧爲不憤鬧以不憤鬧爲憤鬧
應恭敬而不恭敬不應恭敬而恭敬是菩薩
作是言非人念我來稱讚我我所行者是真
遠離住城傍者誰當稱美汝以是因緣故輕

餘菩薩摩訶薩須菩提當知是名菩薩旃陀
羅汙染諸菩薩是人似像菩薩實是天上人
中之大賊亦是沙門被服中賊如是人諸求
佛道者所不應親近不應供養恭敬何以故
須菩提當知是人墮增上慢以是故若菩薩
摩訶薩欲不捨一切智欲得阿耨多羅三藐
三菩提一心欲求阿耨多羅三藐三菩提欲
利益一切衆生不應親近是人恭敬供養菩
薩摩訶薩法常應勤求自利馱患世間心常
遠離三界於是人當起慈悲喜捨心我行菩
薩道不應生如是罪過若生當疾滅須菩提
菩薩摩訶薩當善覺是事是事中善自免出

復次須菩提菩薩摩訶薩深心欲得阿耨多
羅三藐三菩提者當親近恭敬供養善知識
須菩提白佛言世尊何等是菩薩摩訶薩善
知識佛告須菩提諸佛是菩薩摩訶薩善知
識諸菩薩摩訶薩亦是菩薩善知識須菩提
阿羅漢亦是菩薩善知識須菩提是爲菩薩
摩訶薩善知識復次須菩提六波羅蜜亦是
菩薩善知識四念處乃至十八不共法亦是
菩薩善知識須菩提如實際法性亦是菩薩
善知識須菩提六波羅蜜是菩薩世尊六波
羅蜜是道六波羅蜜是大明六波羅蜜是炬
六波羅蜜是智六波羅蜜是慧六波羅蜜是

救六波羅蜜是歸六波羅蜜是洲六波羅蜜
是究竟道六波羅蜜是父是母四念處乃至
一切種智亦如是何以故六波羅蜜及三十
七道法亦是過去諸佛父母六波羅蜜及三
十七道法亦是未來現在十方諸佛父母何
以故須菩提六波羅蜜三十七道法中生過
去未來現在十方諸佛故以是故須菩提菩
薩摩訶薩欲得阿耨多羅三藐三菩提淨佛
國土成就衆生當學六波羅蜜三十七道法
及四攝法攝取衆生何等四布施愛語利益
同事須菩提以是利益故我言六波羅蜜及
三十七道法是諸菩薩摩訶薩世尊是道是

大明是炬是智是慧是救是歸是洲是究竟
道是父是母須菩提以是故菩薩摩訶薩欲
不隨他人教任欲斷一切衆生疑欲淨佛國
土成就衆生當學是般若波羅蜜所以者何
是般若波羅蜜中廣說諸法是菩薩摩訶薩
所應學處今時須菩提白佛言世尊何等是
般若波羅蜜相佛告須菩提如虛空相是般
若波羅蜜相須菩提般若波羅蜜無所有相
須菩提白佛言世尊頗有因緣如般若波羅
蜜相諸法相亦如是佛告須菩提如是如是
如般若波羅蜜相諸法相亦如是何以故須
菩提一切法離相自性空相以是因緣故須

菩提如般若波羅蜜相諸法相亦如是所謂
離相空相故須菩提白佛言世尊若一切法
一切法離一切法一切法空云何知衆生若
垢若淨世尊離相法無垢無淨空相法無垢
無淨離相空相法不能得阿耨多羅三藐三
菩提離相空相無法可得世尊離相中空相
中無有菩薩得阿耨多羅三藐三菩提者世
尊我云何當知佛所說義佛告須菩提於汝
意云何是衆生長夜行我我所心不如是世
尊衆生長夜行我我所心於汝意云何是我
我所心離相不空相不須菩提言世尊我我
所心離相空相於汝意云何以此我我所心

衆生往來生死中不如是世尊以此我我所
心衆生往來生死中如是須菩提衆生往來
生死中故知有垢惱須菩提若衆生無我我
所心無著心是衆生不復往來生死中若不
往來生死中則無垢惱如是須菩提衆生有
淨須菩提白佛言世尊若菩薩摩訶薩如是
行爲不行色不行受想行識爲不行四念處
乃至八聖道分爲不行內空乃至無法有法
空爲不行佛十力乃至一切種智何以故是
法不可得亦無行者亦無行處亦無行法世
尊菩薩摩訶薩如是行一切世間諸天人阿
脩羅不能降伏是菩薩摩訶薩一切聲聞辟

支佛所不能及何以故所住處無能及故所謂菩薩位世尊是菩薩摩訶薩行應薩婆若心無能及者須菩提菩薩摩訶薩如是行疾近薩婆若須菩提於汝意云何若閻浮提衆生盡得人身得人身已皆得阿耨多羅三藐三菩提若有善男子善女人盡其形壽供養恭敬尊重讚歎持是善根迴向阿耨多羅三藐三菩提是人以是因緣得福多不須菩提言甚多世尊佛言不如是善男子善女人於大衆中說是般若波羅蜜顯示分別照明開演亦應般若波羅蜜行正憶念其福多乃至三千大千世界中衆生亦如是須菩提於汝

意云何阿闍浮提中衆生一時皆得人

身得人身已若善男子善女人修行十善道

四禪四念量心四念色定教令得須陀洹道

乃至阿羅漢辟支佛教令得阿耨多羅三

藐三菩提持是善根迴向阿耨多羅三藐三

身得人身已若善男子善女人修行十善道

正下四行衍

四禪四念量心四無色定教令得須陀洹道

乃至阿羅漢辟支佛教令得阿耨多羅三

藐三菩提持是善根迴向阿耨多羅三藐三

菩提須菩提於汝意云何是善男子善女人

得福多不須菩提言甚多世尊佛言不如是

善男子善女人以是甚深般若波羅蜜奉為

生說出不分別照明開演亦不離菩薩婆若得十
福多乃至三千大千世界亦如是是是菩薩摩
訶薩不遠離應薩婆若心則到一切福田邊
何以故除諸佛各有餘法如菩薩摩訶薩勢
力何以故諸菩薩摩訶薩行般若若彼羅塞時
於一切衆生中起大慈心見諸衆生趣死地
故而起大悲行是道時歡悅而生大喜不與
想俱便得大捨須菩提是為菩薩摩訶薩大
智光明大智明者所摺六彼羅塞是須菩提
是諸善男子善女人雖未作佛能為一切衆
生作大福田於所轉多羅三藐三菩提亦不
轉所受無養衣服飲食卧床疾藥資生所須

行應般若若波羅蜜念能必報施主之恩疾迎
薩婆若以是故須善提若善薩摩訶薩欲不
虛食國中施欲示衆生三乘道欲為衆生作
大明欲拔出三界牢獄欲與一切衆生眼應
常行般若若波羅蜜常行般若若波羅蜜時若欲
有所說但說般若若波羅蜜說般若若波羅蜜已
常憶念般若若波羅蜜常憶念般若若波羅蜜已
常行般若若波羅蜜不令餘念得生晝夜勤行
般若若波羅蜜相應念不息不休須善提譬如
士夫未曾得摩尼珠後時得得已大歡喜踊
躍後復失之便大憂愁常憶念是摩尼珠作
是念我業何忽亡此大寶須善提善薩摩訶

薩亦如覺常憶念般若波羅蜜不離薩婆若
心須菩提自佛言世尊一切念性自離一切
念性自空云何喜薩摩訶薩行般若波羅蜜
不離應薩婆若念是遠離空法中念喜薩亦
念念念應薩婆若佛告須菩提若喜薩摩訶
薩如是知一切法性自離一切法性自空非
聲聞辟支佛作亦非佛作諸法相常住法相
法住法位如實際是名喜薩行般若波羅蜜
不離薩婆若念何以故般若波羅蜜性自離
性自空不增不減故須菩提自佛言世尊若
般若波羅蜜性自離性自空云何喜薩摩訶
薩與般若波羅蜜等得阿耨多羅三藐三菩提

提佛告須菩提菩薩摩訶薩與般若波羅蜜等不增不減何以故如法性實際不增不減故所以者何般若波羅蜜非一非異改若菩薩聞如是般若波羅蜜相心不驚不沒不畏不怖不疑須菩提當知是菩薩摩訶薩行般若波羅蜜當知是菩薩摩訶薩必住阿鞞跋致地中須菩提白佛言世尊般若波羅蜜空無所有不堅固是行般若波羅蜜不不也須菩提世尊離空更有法行般若波羅蜜不不也須菩提世尊是般若波羅蜜行般若波羅蜜不不也須菩提世尊離般若波羅蜜行般若波羅蜜不不也須菩提世尊色是行般若

波羅蜜不不也須菩提世尊受想行識是行
般若波羅蜜不不也須菩提世尊六波羅蜜
是行般若波羅蜜不不也須菩提世尊四念
處乃至十八不共法是行般若波羅蜜不不
也須菩提世尊色空相虛誑不實無所有不
堅固相色如相法相法住法住實際是行般
若波羅蜜不不也須菩提世尊受想行識乃
至十八不共法空相虛誑不實無所有不堅
固相如相法相法住法住實際是行般若波
羅蜜不不也須菩提世尊若諸法皆不行
般若波羅蜜云何行名菩薩摩訶薩行般若
波羅蜜佛須菩提汝意云何汝見有法告

行般若波羅蜜者不不也世尊須菩提汝見
般若波羅蜜菩薩摩訶薩可行處不不也世
尊須菩提汝所不見法是法可得不不也世
尊須菩提若法不可得是法當生不不也世
尊須菩提是名菩薩摩訶薩一生法忍菩薩
摩訶薩成就是忍得受阿耨多羅三藐三菩
提記須菩提是名諸佛無所畏無礙智菩薩
摩訶薩行是法勤精進若不得大智一切種
智所謂阿耨多羅三藐三菩提智若不得者
無有是處何以故是菩薩摩訶薩每得生法
忍故乃至阿耨多羅三藐三菩提不減不退
須菩提白佛言世尊諸法無生相此中得阿

轉多羅三藐三菩提不不也須菩提世
諸法生相此中得阿耨多羅三藐三菩提
不不也須菩提世諸法非生非不生相此
中得阿耨多羅三藐三菩提不不也須菩
提世諸菩提摩訶薩云何知諸法得阿耨
多羅三藐三菩提佛告須菩提汝見有法
得阿耨多羅三藐三菩提不不也世
不見有法得阿耨多羅三藐三菩提我亦
不見法有得者得處佛言如是如是須菩提
若菩薩摩訶薩於一切法無所得時不作是
念我當得阿耨多羅三藐三菩提用是事得
阿耨多羅三藐三菩提是阿耨多羅三藐

三喜持處何以故諸菩薩摩訶薩行般若波
羅蜜無諸憶想分別所以者何般若波羅蜜
中無諸分別憶想故

摩訶般若波羅蜜經卷第二十

海

縹

同足前及

阿闍

此下昌六及

勁勇

上堅淨

老

弱

下音若

恐懼

及下具

據

潛伏

上昨益及

級真

也者

特音憤鬧

心中煩亂也



